



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

LIII. Vergleich zwischen den Minoriten und den Domherrn zu Stendal
wegen des Begräbnisses vom 15. August 1285.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

militibus dictis de Kerkowe pro viginti et sex marcis, damus predictae Ecclesiae et conventui Stendalensi proprietate perpetua possidendos: et ut predictae proprietatis donacio perpetuo maneat in conuulsa, presentes literas predicto conuentui Stendalensi, sigillorum nostrorum munimine tradimus sigillatas. Actum Tanghermunde, anno domini M^o. CC^o. LXXXIII^o, XV. kal. Februarii, Adhibitis testibus, quorum nomina sunt haec: Johannes et Burchardus dicti de Hirckesleve, Johannes dictus de Buke, Theodericus dapifer dictus de Osterburch, milites, et alii quam plures clerici et laici.

LII. Die Markgrafen Otto und Otto vereignen dem Domsifte die von dem Knappen Nicolaus von Sandow resignirten sechs Wispel Getreide aus Holzhausen, am 18. Juli 1284.

In nomine domini Amen. Otto et Otto dei gratia Marchiones Brandenburgenses — presenti pagina pie devotionis affectus nostros, quos ad Sancti Nicolai Stendaliensem Ecclesiam gerimus, quam progenitores nostri fundauerunt et dotauerunt celebritate multiplici declaramus, quorum etiam memoria et anniuersaria celebrantur ibidem, et ut nos tam in vita quam in morte in diuino officio eiusdem gratie efficiamur confortes, predictae Ecclesiae Sex choros dari frumenti in villa Holthuse, quorum vsum fructum pheodalem Nicolaus dictus de Sandowe noster famulus resignauit, damus liberaliter proprietate perpetua possidendos — Testibus ydoneis quorum nomina sunt haec: Nobilis Dominus Wol. de Barboye, Ar. dictus de Jaghowe, Johannes dictus de Kracowe, Johannes dictus de Campo milites; Dominus Heiso dictus de Krachowe, Dominus Siffridus dictus de Walftowe et dominus Nicolaus prepositus in Snakenburg, Clerici et alii quam plures clerici et Layci. Actum Jerichowe, Anno Domini M^o. CC^o. LXXXIII^o, XV^o. Kal. Augusti.

LIII. Vergleich zwischen den Minoriten und den Domherrn zu Stendal wegen des Begräbnisses, vom 15. August 1285.

Nos frater B. fratrum minorum prouincie Saxonie Minister et feruus, necnon frater H. custos brandenburgensis, totusque conuentus fratrum minorum in Stendal, recognoscimus per presentes, compositionem, mediante Jo. lectore magdeburgensi, in causa, que inter nos ex vna et canonicos ecclesie Stendaliensis ex altera parte vertitur, ordinatam, ex communi consensu omnium nostrum et singulorum approbare et eandem inuiolabiliter obseruare. Cuius compositionis forma haec est: Nos in nullo renunciantes priuilegiis nostris seu iuri communi, ex sola gratia et caritatis ac pacis amore, contenti esse uolumus, vt tres procuratores vel procuratrices nostras, quorum vel quarum exprimentur nomina, et hospites in Stendal non habentes domicilium, qui apud nos sepulturam elegerint, necnon intraturos, qui ob amorem et deuotionem nostri apud nos domicilium comparauerint, hoc ipsum decano vel in ejus absentia maiori de ecclesia intimando et tres personas in ciuitate Stendal commorantes preter iam dictas in anno, que forte apud nos sepeliri eligerint, recipiemus

tumulandas parrochiali iure in omnibus salvo, Ita tamen vt priuilegia nostra nullatenus violentur. Modus eligentium sepulturam talis erit. Ipsi petent personaliter vel aliquis idoneus nomine ipsorum a decano vel in eius absentia a maiori ecclesie consensum, quem sine omni difficultate et ambiguitate adhibituros se spondent. Et iste modus eligendi circa tres tamen personas adiectas seruabitur. De aliis autem scilicet procuratoribus et procuratricibus et hospitibus et intraturis decano vel in eius absentia maiori ecclesie denunciabimur solummodo elogium vltime uoluntatis. Hanc autem amicitiam circa restrictionem tumularum personarum nos obseruare inuolabiliter obligamur et supramemorati canonici nobis circa libertates nostras predicationis scilicet et confessionis et aliorum priuilegiorum nostrorum vice versa caritatem nobis exhibebunt et amicitiam, ita quod in nullo nos in iam dictis libertatibus impedient vel artabunt, sed potius in omnibus promouere studebunt, et nos similiter canonicos in libertatibus seu priuilegiis suis nullatenus impediemus vel artabimus, sed potius in omnibus studebimus promouere. Insuper communionem et orationum participationem in exequiis defunctorum hinc inde obseruabimus, sicut est actenus obseruatum. Et hec compositio pro nobis et nostris successoribus est datione fidei confirmata. Et quicumque in presens uel in futurum de nostris violauerit, Si infra quindenam monitus a parte aduersa non satisfecerit, notam inobedientie se nouerit incurrisse. Pro cuius rei confirmatione presentes litteras canonicis sigillo ministri Custodis et domus stendaliensis tradimus sigillatas. Data Magdeburg Anno domini M^o. CC^o. LXXX^o. V^o, In assumptione virginis gloriose.

LIV. Das Domstift Havelberg nimmt das Domstift Stendal in seine Bruderschaft auf,
im Jahre 1286.

Honorabilibus uiris et Discretis Domino a. preposito, Domino Jo. Decano Totique capitulo in Stendal Henricus dei gracia prepositus, H. prior Totumque Capitulum Havelbergense cum oracionibus indefessis uere fraternitatis affectum. Cum curacio funeris condicio sepulture pompe exequiarum magis sint solatia uiuorum quam subsidia mortuorum, necessario duximus obseruandum in Corporali disciplina, in Compulsacione signorum, in vigiliis, in psalteriis, in missis, in elemosinis, in oracionibus continuis diem primum, septimum, tricesimum fidelium defunctorum, eorum scilicet specialius, qui se nostris oracionibus commendarunt, licet pro omni gradu Ecclesie rex uirtutum sit fideliter exorandus. Siquidem habita dudum inter Ecclesiam uestram et nostram sincera karitas, ut amplius augmentetur, uestris meritis exigentibus concedimus uobis fraternitatem nostram adeo, ut omnium beneficiorum (sic), que in nostra Ecclesia fiunt et fieri debent, in perpetuum sitis participes et Consortes. Cum autem obitus canonicorum uestrorum nostro capitulo fuerit nunciatus, uobis debitum fraternitatis in vigiliis, in psalteriis, in missis, tamquam vni de nostris, integraliter persoluemus. Vt autem hec fraternitas inconuulsa permaneat, presentem litteram Ecclesie nostre sigilli munimine fecimus communiri. Datum Havelberg, anno graciae M. CC. LXXXVI. Indictione XIII^a concurrente I.

LV. Bischof Volrad von Halberstadt erneuet die von seinem Vorfahr Gardolph dem Domcapitel erteilten Zusicherungen, am 15. April 1287.

In nomine sancte et Indiuidue trinitatis Volradus, dei gratia halberstadenfis Ecclesie Episcopus, Dilectis in christo filiis Jo. Decano sancti nicolai in steyndale ejusque fratribus